

A E outor di e evangelio:

❖ Mishonero ku a faya.

- Manera e sobrá di e evangelistanan, Marko no ta hasi menshon di su mes pa nòmber. E tabata un mucha hòmber ora ku e eventonan ku é ta relatá a sosodé, kual probablemente el a siña di nan dor di su relashon íntimo ku e apòstel Pedro (1 Pedro. 5:13).
- Juan Marko su mama tabata e doño di e lugá na Jerusalèm na unda e iglesia a reuní pa hasi orashon na e okashon di Pedro su enkarselashon (Echonan 12:12).
- Djis despues di esei, Barnabas i Saulo(kende a bai na Jerusalèm pa trese un ofrenda) a hiba Juan Marko na Antiokia (Echonan 12:25).
- Na Antiokia, ora ku e Spiritu Santu a yama Barnabas i Saulo pa ta mishoneronan entre e Gentilnan, nan a hiba Juan Marko ku nan komo un kolaboradó (Echonan 13:2-5).
- Pero bida mishonero a proba di ta masha duru pa e hóben Marko, kende a disidí pa regresá na Jerusalèm (Echo 13:13).

❖ Útil pa e ministerio.

- Ora ku Pablo a proponé e di dos biahe mishonero, el a nenga pa aseptá Marko komo un kolaboradó (Echonan 15:36-38). Pablo tabatin mester di yudadónan fuerte, kende lo ta un sosten, no un karga. Marko no pas den e profil aki.
- Sinembargo, Barnabas tabata sigur ku su subrino Marko, tabatin sufisiente potensial pa ta un bon mishonero. Pesei el a hiba Marko kuné na Cyprus, mientras ku Pablo i Silas a dirigí pa Asia (Echonan 15:39-41).
- Nos no sa kiko a sosodé despues, ku Barnabas tabatin rason. Dor di e tres referensianan ku el ta hasi na djé den su kartanan, Pablo a bin ta konsiderá Marko “ útil pa e ministerio, ” un kolaborador efectivo (Kol. 4:10; Filemon. 24; 2Tim. 4:11).
- Danki na e di dos oportunitat aki, awe nos por gosa di e historia eksitante di Marko su evangelio.

B E komienso di e evangelio:

❖ E preparashon. Marko 1:1-8.

- Marko ta kuminsa dor di introdusí nos na Dios preparando e biahe di Su Yiu (Marko 1:1-2; Mal. 3:1). Un biahe ku ta kuminsá den e kortenan selestial, i ku lo hiba Hesus Kristu na e krus, pa wòrdu risibí atrobe den Shelu (Marko 16:19).
- Pa prepara e kaminda aki, Dios ta skohe Juan Boutista, e “ bos ku ta sklama den desierto” (Mk.1:3; Is . 40:3).
- Promé ku Hesus a kuminsá Su biahe pa duna Su bida pa nos, Juan a prepará hende su kurason dor di dirigí nan na repentimentu i invitá nan pa wòrdu batisá (Marko 1:4-6).
- El a prepará pa risibí e Yiu di Dios: mas poderoso ku Juan mes; mas digno; i ku E lo batisá ku un boutismo mas efectivo (Marko 1:7-8).

❖ E boutismo. Marko 1:9-13.

- Hesus ta kuminsá Su biahe na un manera spektakular: Dios e Tata ta present'É komo Su Yiu, I e Spiritu Santu ta manifestá Su pesensia na un forma di kurpa (Marko 1:10-11). Asta for di e prinsipio, Hesus ta wòrdu presentá komo un persona divino, e Yiu di Dios. Pero tambe E ta wòrdu presentá komo un persona humano:
 - (1) E ta wòrdu batisá dor di Juan, i no alrededor(di otro banda (Marko 1:9)
 - (2) E ta wòrdu dirigí dor di e Spiritu (Marko 1:12)
 - (3) E tin mester di ta Su so ku Dios (Marko 1:13a)
 - (4) E ta wòrdu tentá dor di e diabel (Marko 1:13b)
 - (5) Ta enfrentá peligernan físiko (Marko 1:13c)
 - (6) Angelnan ta sirbiE (Marko 1:13d)

❖ E mensahe. Mark 1:14-15.

- Hesus Su mensahe inisial a kubri tres aspekto (Marko 1:15):
 - (1) “E tempu ta kumplí”: Un referencia na e profesia di e 70 simannan (Dan . 9:24).
 - (2) “E reino di Dios a bini serka”: Un promesa ku e pakto di salbashon tabata kuminsá di wòrdu kumplí.
 - (3) “Repentí i kere den e evangelio”: Un yamada pa tuma un parti aktivo den e pakto, dor di aseptá pordon pa medio di fe den Hesus
- Nos mensahe aktual tambe ta inkluí e tres aspektonan aki: E tempu a wòrdu kumplí; Hesus ta biniendo; i nos mester repentí i kere asina ku nos lo por bai kunÉ.